



Эргаш Абзамович Умаров 1940 йил 20 январда Тошкент шаҳрида ишчи oilасида туғилди. 1948-58 йиллари Тошкент темир йўли қармоғидаги 40-сон ўрта мактабда аъло баҳолар билан ўқиди. 1958-63 йиллари Тошкент давлат университети (ҳозирги ЎзМУ)да таҳсил олди. 1964-68 йилларда Москвадаги Тилшунослик институтининг Ленинград бўлимида профессор А.Шчербак раҳбарлигида аспирантура курсини ўтади. 1968 йили Ленинград давлат университетининг шарқшунослик факультети қошидаги илмий кенгашда “Алишер Навоийнинг “Ҳазойинул-маоний” асаридаги фразеологизмларнинг лексик-грамматик хусусиятлари” мавзусида номзодлик диссертациясини, 1989 йили ЎзР ФАнинг Тил ва адабиёт институти ҳузуридаги ихтисослашган кенгашда “Бадоеъ ул-луғат” ва “Санглоҳ” – лексикографик ёдгорликлар ва XV-XVIII асрлар эски ўзбек тилини ўрганиш манбалари сифатида” мавзусида докторлик диссертациясини ёқлади. У 1968-78 йилларда Алишер Навоий номидаги Адабиёт музейида, 1978 йилдан умрининг охиригача Алишер Навоий номидаги Тил ва адабиёт институтида ишлади.

Олим Ўрхун ёдгорликларини ўрганиш асосида улар умумтуркий ёдгорлик бўла олмаслигини исботларди. Олимнинг фикрича, барча туркий тиллар грамматикаларининг фонетика бўлими рус тили таъсирида ёзилган. Шу сабабли ҳар бир туркий халқ ўз тили фонетикасини қайта ёзиб чиқиши керак.

2005-2010 йилларда институт касаба кўмитаси раиси бўлди. “Ўзбек тили ва адабиёти” журнали таҳририяти аъзоси эди. Тошкент давлат шарқшунослик институтидаги магистрлик академик даражасини бериш бўйича илмий кенгашнинг ҳам доимий аъзоси бўлган.

- 1971** Фразеологический словарь “Хазойинул маоний”
- 1992** Эски ўзбек луғатлари
- 1994** Словари староузбекского языка и вопросы фонетики
- 2004** Гласные староузбекского языка XV века и новая транслитерация Бадаил ал лугат
- 2005** Гласные староузбекского языка XV века и новая транслитерация Лугати турк
- 2006** Краткий словарь орхонских памятников
- 2007** Древнеуйгурская письменность
- 2011** Способы передачи качества гласных в “Диван лугат ит-турк”
- 2012** Проблемы транслитерации “Диван лугат ит-турк” Махмуда Кошгарского
Пособие по письменности орхонских памятников
- 2013** Ўрхун алифбоси қандай тузилган?
- 2015** Ўрхун алифбоси муаммолари
XV асрнинг биринчи ярмида ўзбек тилида яратилган мунозаралар
- 2016** XV асрнинг биринчи ярмида ўзбек тилида яратилган мунозаралар. Матн ва луғат.